


Entrante dia 1 di juli proximo

Mr. Angel Bermudez ta reenforza Ministerio di Finansa

Den e funcion di "Chief of Staff"

ORANJESTAD (AAN):
Minister di Finansa, Juan
David Yrasquin, diabierna
a informa tur su coleganan
Minister y directornan
di departamentonan di
Gobierno cu entrante dia 1
di juli 2014, mr. Angel R.
Bermudez ta inicia su carera
nobo como e "Chief of Staff"
na Ministerio di Finansa.

Angel Bermudez a funciona
e ultimo añanan como
director di Belastingdienst
Caribisch Nederland na
Boneiro. Prome cu esey e
tabatin hopi experiencia caba



den maneho, pasobra den
pasado e tabata Minister na
Aruba y a dirigi e oficina
di Ernst & Young. Angel
Bermudez a traha hopi aña
como Inspecteur di Belasting
na Hulanda y tambe tabata

Hefe di Inspectie der
Belastingen na Aruba.

Pa loke ta su estudio mes,
Mr. Angel Bermudez ta
"meester in het civiel- en
bedrijfsrecht" y tin tambe un
estudio "postdoctorale" den
e facultad di "fiscaal recht".

Den su funcion como
"Chief of Staff" na Ministerio
di Finansa, Mr. Angel
Bermudez lo ta encarga
cu maneho diario di e
Ministerio y lo fungi ademas
como e consehero principal
di Minister di Finansa, Juan
David Yrasquin.